



Broj: 01 \_\_\_\_\_/13  
Banja Luka, \_\_\_\_\_ 2013. godine

## IZVJEŠTAJ

### o radu Uprave za indirektno/neizravno oporezivanje za period 01.01.-31.12.2012. godine

#### I-UVOD

Uprava za indirektno/neizravno oporezivanje (u daljem tekstu: UINO), kao samostalna upravna organizacija, je uspostavljena Zakonom o sistemu indirektnog oporezivanja u Bosni i Hercegovini („Službeni glasnik BiH“ broj 44/03, 52/04, 4/08, 49/09), kao jedini organ nadležan za sprovođenje zakonskih propisa o indirektnom oporezivanju i politike koju utvrdi Savjet ministara na prijedlog Upravnog odbora, i koja je zadužena za naplatu i raspodjelu indirektnih poreza u Bosni i Hercegovini. Nadležnost, organizacija, rukovođenje i druga pitanja značajna za rad UINO regulisana su Zakonom o Upravi za indirektno oporezivanje („Službeni glasnik BiH“ broj 89/05) i drugim zakonima koji regulišu indirektnu poreze u Bosni i Hercegovini.

Poslove iz svoje nadležnosti UINO vrši u Središnjem uredu sa sjedištem u Banja Luci i regionalnim centrima koji se nalaze u Banja Luci, Sarajevu, Mostaru i Tuzli, putem svojih osnovnih i unutrašnjih organizacionih jedinica, utvrđenih Pravilnikom o unutrašnjoj organizaciji i sistematizaciji radnih mjesta UINO. Ukupan broj zaposlenih zaključno sa 31.12.2012.godine je 2423, koji broj izvršilaca je nedovoljan s obzirom na obim poslova i djelokrug rada UINO iz kojih razloga su tokom 2012.godine vršene aktivnosti na donošenju Pravilnika o unutrašnjoj organizaciji UINO, s tim da isti do danas nije odobren od strane Upravnog odbora.

#### II - NAJVAŽNIJE AKTIVNOSTI I STANJE U OBLASTI

UINO je u izvještajnom periodu preduzela značajne aktivnosti na obezbjeđivanju dosljedne primjene propisa iz oblasti indirektnog oporezivanja i na poboljšanju radne discipline i kvaliteta rada zaposlenih (operativni planovi za otkrivanje i otklanjanje nepravilnosti u primjeni propisa, izdavanje naloga za kontrolu, donošenje instrukcija, obavještenja, naredbi i dr.).Ove aktivnosti su imale pozitivne efekte kako na poboljšanju stručnosti i kvaliteta u izvršavanju poslova iz djelokruga rada UINO, tako i na poboljšanju radne discipline i uticaja na jačanje poreske svijesti i odgovornosti obveznika indirektnih poreza.U 2012.godini je zbog teže povrede službene dužnosti pokrenuto 108 disciplinskih postupaka protiv zaposlenih koji su u izvršavanju poslova postupali suprotno važećim zakonskim odredbama i Kodeksu ponašanja zaposlenih u UINO.

UINO je u 2012.godini kontinuirano nastavila sa aktivnostima na izvršavanju obaveza po osnovu Sporazuma o stabilizaciji i pridruživanju između BiH i EU, provođenju Privremenog sporazuma o trgovini i trgovinskim pitanjima između BiH i EU, provođenju Sporazuma o slobodnoj trgovini CEFTA, izvršavanju obaveza BiH kao članice Svjetske carinske organizacije, daljem usklađivanju normi i procedura iz oblasti indirektnog oporezivanja sa direktivama Evropske unije, intenziviranja kontrolnih aktivnosti na primjeni i provođenju zakonskih propisa iz oblasti indirektnog oporezivanja sa ciljem povećanja naplate prihoda po osnovu indirektnih poreza.Izvršavanje poslova iz djelokruga rada UINO i realizovanje programskih zadataka je provedeno uz podršku i rješenja u informacionom sistemu UINO. Pravilnost i zakonitosti rada organizacionih jedinica UINO u 2012.godini je kontinuirano kontrolisana od strane Odjeljenja za internu reviziju (provedene su 34 kontrole u okviru planiranih kontrolnih aktivnosti i devet kontrola je u toku; provedeno je 50 kontrola po nalogu direktora, 7 kontrola po predstavki građana) koje je po utvrđenim nepravilnostima predlagalo mjere za otklanjanje istih i praćenje izvršenja naloženih mjera.

##### Naplata prihoda

U 2012.godini UINO je vršila aktivnosti primjene propisa iz oblasti indirektnog oporezivanja i naplatu prihoda na jedinstveni račun, raspoređivanje i uplatu prihoda ostvarenih od indirektnih poreza i ostalih prihoda korisnicima, te servisiranje vanjskog duga. Od ukupno planiranih 5.925 miliona KM prihoda na jedinstvenom računu u 2012.godini **prikupljeno je 5.873 miliona KM** što je za 0,88% manje u odnosu na plan, i na nivou izvršenja je kao u prošloj godini, s tim da je nastavljen trend smanjenja prihoda po osnovu carinskih dažbina. Naime, prema planu provođenja potpisanih sporazuma između BiH i EU i u 2012.godini planiran je daljnji pad prihoda od carinskih dažbina (carine i prelevmana), kao i zbog ukidanja prihoda po osnovu carinske evidencije donošenjem Zakon o izmjeni Zakona o carinskoj politici Bosne i Hercegovine (»Službeni glasnik BiH« broj 76/11).

Neto raspoređeni prihodi iznose 4.988 miliona KM i manji su za 0,72% u odnosu na 2011.godinu kada su iznosili 4.996 miliona KM, što je posljedica provođenja zaključenih sporazuma između BiH i EU koji su uticali na smanjenje prihoda od carinskih dažbina, kao i posljedica globalne ekonomske krize koja se odrazila i na privredne i poslovne tokove u Bosni i Hercegovini.

UINO je raspodjelu i doznačavanje prikupljenih prihoda u 2012.godini vršila shodno odlukama Upravnog odbora UINO i prema važećim koeficijentima raspodjele. Tako su, nakon izdvajanja sredstava za minimalne rezerve u svrhu obezbjeđenja povrata sredstava obveznicima (iznos od 884 mil.) i za putarine za izgradnju autoputeva 0,10 KM (iznos od 115 mil.) korisnicima doznačena sredstava i to: 750 miliona KM u korist BiH-finansiranje institucija; 2.625 miliona KM u korist Federacije BiH; 1.354 miliona KM u korist Republike Srpske i 147 miliona KM u korist Distrikta Brčko. U toku 2012. godine rezervisana su sredstva, te su izvršeni povrati indirektnih poreza u ukupnom iznosu cca 884 miliona KM, od čega je 779 miliona KM vraćeno putem komercijalnih banaka PDV obveznicima, 91 milion KM PDV-a je vraćeno međunarodnim organizacijama, a 14 miliona KM se odnosi na povrate po ostalim osnovama.

UINO je na osnovu Odluka Upravnog odbora UINO broj: UO 3108/152/12; 3108/153/12; 3108/154/12 od 31.08.2012. godine o privremenom poravnanju između korisnika raspodjele indirektnih poreza sa jedinstvenog računa UINO (FBiH i RS), za godine 2010., 2011. i period januar-juni 2012. godine, izvršila privremeno poravnanje između korisnika raspodjele na teret tekućih prihoda od indirektnog oporezivanja na jedinstvenom računu UINO koji pripadaju Federaciji BiH, prenosom na račun Republike Srpske u periodu 03.09.-31.12.2012.godine svakodnevno sa jednakim iznosom isplata od po 150.270,00 KM, odnosno ukupno 12,9 miliona KM. Rad Uprave u segmentu raspodjele prihoda sa jedinstvenog računa u 2012.godini bio je opterećen neusaglašenim stavovima članova Upravnog odbora UINO u pogledu predloženih poravnanja koje prema Pravilniku o izračunu koeficijenta doznačavanja entitetima ("Službeni glasnik BiH", broj 62/08) i podacima iz informacionog sistema UINO pripremi i dostavi na usvajanje Odjeljenje za makroekonomske analize pri Upravnom odboru UINO. Pravovremeno nedonošenje relevantnih odluka u pogledu raspodjele prihoda od strane Upravnog odbora UINO prouzrokovalo je tužbe kojima je Republika Srpska Ministarstvo finansija tužilo UINO za naknadu štete, i u toku je parnični postupak. UINO je u svim ovim parničnim postupcima isticala stav da se entiteti putem svojih predstavnika, članova Upravnog odbora UINO, kao korisnici prihoda od indirektnih poreza, u okviru djelovanja Upravnog odbora imaju usaglasiti u vezi svih pitanja oko raspodjele prihoda, a obaveza Uprave je da ažurno provedi odluke koje donese Upravni odbor, kao što je i do sada činila. UINO je institucija BiH i operativna sredstva za redovno poslovanje i izvršavanje zakonom predviđenih aktivnosti dobija iz Budžeta, s toga bi eventualni uspjeh tužioca u parnici i dobijena naknada štete po tom osnovu (višemilionski iznosi) ne može biti na teret budžeta UINO jer bi to bilo pravno neutemeljeno i neosnovano i ugrozilo bi funkcionisanje UINO.

U 2012.godini FBiH doznačeno je 1,79%, RS 0,98% i BD 1,52% manje prihoda nego u 2011.godini, dok je državi BiH za finansiranje institucija doznačeno 8,8% više prihoda nego u 2011.godini a izdvajanja za rezerve za potrebe povrata sredstava obveznicima su ostala na nivou 2011.godine.

Na osnovu Zakona o akcizama u Bosni i Hercegovini ("Službeni glasnik BiH", broj: 49/09) kojim je uvedena i putarina u iznosu od 0,10 KM za izgradnju autoputeva i povećana akciza na cigarete i kafu, od 01.01.2012.godine dodatno je povećan iznos fiksne akcize na duhan i duhanske prerađevine (za 0,15 KM) što je povećalo prihode od akciza na duhanske prerađevine za 42 miliona KM, u odnosu na prošlu godinu, pa samim tim i ukupne prihode od akciza. Povećanje prihoda je po osnovu domaćih akciza veće za 1,24%, a po osnovu akciza na uvozne proizvode za 3,87% u odnosu na prethodnu godinu. Kako je navedenim zakonom propisano i obilježavanje kafe i prirodne rakije akciznim markicama, Uprava je po ovom osnovu u 2012.godini planirala materijalne izdatke za štampanje akciznih markica, u iznosu od 3.205.000 KM.

U postupku prinudne naplate indirektnih poreza, ostalih prihoda i taksi koji je UINO provodila u 2012.godini, ukupan dug po osnovu PDV-a zaključno sa 31.12.2012. godine iznosi 293.128.636,77 KM, od čega dug po osnovu automatskog razreza PDV-a iznosi 53.070.604,71 KM tj. 18,10%, dug po PDV prijavi 239.992.406,26 KM tj. 81,88 % i dug po osnovu ručnog zaduženja PDV-a na ino usluge i po posebnoj šemi u građevinarstvu iznosi 65.625,80 KM tj. 0,02% od ukupnog iznosa duga u koji su uključeni glavni dug i naknadni teret prinude. Procenat naplate duga po osnovu PDV prijave iznosi 64,30%. U navedenom periodu ukupno obračunate kamate po osnovu PDV-a iznose 47.219.744,00 KM od čega je naplaćeno 35.599.176,41 KM.

Za dug u iznosu od 10.347.494,15 KM odobreno je odgođeno plaćanje ili plaćanje duga u ratama, za koji dug je prihvaćeno zakonom propisano sredstvo obezbjeđenja duga (sveobuhvatna garancija banke, hipoteka na nekretninama, zalog na pokretnoj imovini).

U toku 2012. godine postupak prinudne naplate pokrenut je za dug u iznosu od 174.486.316,87 KM od čega je ukupno naplaćeno 64.594.941,02 KM pa je samim tim ostalo za uplatu 109.891.375,85 KM. Dug po PDV prijavi iznosi 97.196.906,15 KM tj. 88,44 %. Dug po osnovu automatskog razreza PDV obaveze iznosi 12.694.469,70 KM tj. 11,56%. Procenat naplate duga po osnovu PDV prijave za dug iz 2012. godine iznosi u 39,89%, koji procenat je manji iz razloga što u skladu sa članom 34. Zakona o postupku indirektnog oporezivanja ("Sužbeni glasnik BiH", broj 89/05) uplate namiruju najstariju obavezu.

Dug po osnovu akcize na dan 31.12.2012. godine iznosi 17.867.131,55 KM. U toku 2012. godine pokrenut je postupak prinudne naplate za dug po osnovu akcize u iznosu od 12.596.813,31 KM, od čega je naplaćen iznos od 3.521.530,06 KM.

UINO je nadležna i za naplatu dugovanja po osnovu dugovanja fizičkih i pravnih lica iz carinskog postupka koji na dan 31.12.2012. godine iznosi 21.427.226,65 KM, od čega je za iznos od 167.555,60 KM odobreno odgođeno plaćanje ili plaćanje duga u ratama. U toku 2012. godine pokrenut je postupak prinudne naplate za dug iz carinskog postupka u iznosu od 3.026.602,29 KM, od čega je naplaćeno 1.085.461,13 KM.

Na dan 31.12.2012. godine utvrđen je dug po osnovu terminala u iznosu od 2.693.825,72 KM. U toku 2012. godine pokrenut je postupak prinudne naplate za dug po osnovu terminala u iznosu od 1.285.486,08 KM, od čega je naplaćen iznos od 333.045,13 KM.

### **Kontrolne aktivnosti**

U 2012.godini UINO je sa aspekta primjene zakonskih propisa o indirektnim porezima u unutrašnjem prometu izvršila 1367 kontrola kod velikih poreskih obveznika, što je manje za 17,85% u odnosu na 2011.godinu ( 1664 kontrole). Do smanjenja broja kontrola došlo je znatnim dijelom zbog velikog broja dvomjesečnih kontrola u 2011.godini, kojih u 2012.godini nije bilo. Ostvareni bruto efekat ovih kontrola je 51.730.469,90 KM, što je za 14,18 % više u odnosu na 2011. godinu (45.304.471,53 KM), a ostvareni neto efekat kontrola (efekat nakon rješavanja po žalbi) je 36.755.321,74 KM, što je za 10,66% manje nego u 2011.godini (41.093.048,53 KM). Također je izvršeno 5.665 kontrola kod ostalih poreskih obveznika, što je manje za 1,60% u odnosu na 2011. godinu (5.757 kontrola), a ostvareni bruto efekat ovih kontrola je 60.814.024,72 KM, što je za 39,85% više u odnosu na 2011. godinu (43.485.128,91KM), a ostvareni neto efekat (efekat nakon rješavanja po žalbi) je 52.592.073,60 KM, što je za 31,48% više u odnosu na 2011.godinu kada je neto efekat iznosio 39.999.951,91 KM.

U izvještajnom periodu UINO je zaprimila i obradila 586.968 PDV prijava, 2.443 PDA prijave (prijava o obračunatoj domaćoj akcizi), te 18.744 izmijenjenih PDV prijava i 16 izmijenjenih PDA prijava.

U 2012.godini izvršen je povrat PDV-a u iznosu od 778.506.179,35 KM, što je za 1,08 % više u odnosu na izvršeni povrat PDV u 2011.godini (770.174.193,46 KM).Iznos zahtijevanog povrata i kredita iskazanog u PDV prijavama iznosio je 1.123.984.902,00 KM, što je više za 1,80% u odnosu na zahtijevani povrat i kredit iskazan po PDV prijavama u 2011.godini (1.104.151.802,00 KM).

UINO je u 2012.godini u Jedinstveni registar obveznika indirektnih poreza, u koji je do sada upisano 53.908 obveznika, upisala ukupno 2.600 obveznika PDV, 54 akcizna obveznika, 1.482 obveznika za spoljnu trgovinu i 16 obveznika za obavljanje špediterske djelatnosti, a deregistrovano je ukupno 1.343 poreskih obveznik i oduzeto 727 identifikacionih brojeva.

U provođenju carinskih postupaka carinski organi UINO su u 2012. godini obradili ukupno 1.026.669 carinskih prijava što je za 1,11% manje u odnosu na 2011.godinu, od čega je 577.331 uvoznih carinskih prijava (smanjenje za 2,03% u odnosu na 2011.godinu); 231,449 izvoznih carinskih prijava (smanjenje za 2,47% u odnosu na 2011.godinu ), i 217.889 tranzitnih carinskih prijava (povećanje za 3,98% u odnosu na 2011.godinu).

U 2012.godini je pokrenuto ukupno 18.158 carinskih upravnih postupaka od toga je riješeno 13.395 predmeta. U izvještajnom periodu je izvršeno 1.094 naknadne carinske kontrole i po osnovu kojih je za 2011. i 2012.godinu naplaćen u 2012.godini iznos od 1.137.359 KM. Sačinjeno je 363 objašnjenja i mišljenja koja se odnose na carinske postupke, izvršeno 332 laboratorijske analize, izdate su 34 obavezujuće informacija o svrstavanju i porijeklu carinske robe i zatražena provjera porijekla i vrijednosti carinske robe u 4.921 predmeta.

Ukupna vrijednost uvoza roba u BiH nad kojom je proveden carinski postupak u 2012.godini je 14.938.376.904,00 KM, što je za 1,25% manje u odnosu na vrijednost uvezene robe u 2011. godini (15.127.905.796,00 KM), a ukupna vrijednost izvoza je 8.184.491.319,00 KM, što je za 2,92% manje u odnosu na vrijednost izvoza u 2011. godini (8.431.055.395,00 KM).

U 2012.godini UINO je u carinskom postupku naplatila ukupno 3.776.647.032,00 KM, što je za 0,92% manje u odnosu na 2011. godinu (3.811.585.310,00 KM), od čega je po osnovu carinskih dažbina naplaćeno 228.653.737,00 KM, što je manje za 18,63% u odnosu na 2011. godinu (280.999.088,00 KM), po osnovu PDV-a pri uvozu naplaćen je iznos od 2.506.054.970,00 KM, što je za 0,26% manje u odnosu na 2011. godinu (2.512.613.616,00 KM), po osnovu akcize na uvozne proizvode naplaćen je iznos od 851.343.921,00 KM, što je za 3,87% više u odnosu na 2011. godinu (819.589.423,00 KM), po osnovu posebne takse (putarine) na naftne derivate u 2012.godini naplaćen je iznos od 174.021.977,00 KM što je za 4% manje u odnosu na 2011.godinu (181.689.032,00 KM), ostalih prihoda i naknada naplaćeno je u 2012.godini u iznosu od 16.361.883,00 KM, što je za 1,41% manje u odnosu na 2011.godinu (16.595.519,00 KM) i po osnovu poreza na promet (po upravnim rješenjima) u 2012.godini naplaćen je iznos od 210.541,00 KM.

UINO je u izvještajnom periodu u drugostepenom upravnom postupku donijela 1.433 rješenja povodom žalbi izjavljenih na odluke donesene od strane prvostepenih organa i dala 561 odgovor na tužbe povodom pokrenutih upravnih sporova kod nadležnog suda i 63 odgovora na zahtjev za preispitivanje sudske odluke. U toku 2012. godine ovlaštena lica UINO su izdala 12.505 prekršajna naloga, podnijela 846 zahtjeva za pokretanje prekršajnog postupka, te podnijela 94 izvještaj nadležnom tužilaštvu o počinjenim krivičnim djelima i počiniocu, u kojim izvještajima je utvrđena pričinjena šteta u iznosu od 17.488.600,19 KM. Aktivnosti UINO u 2012.godini u oblasti provođenja propisa indirektnih poreza bile su usmjerene na kontrolu pravilnosti rada obveznika indirektnih poreza, sprječavanju činjenja prekršaja i krivičnih djela,

kao i procesuiranju počinioca istih i onemogućavanju nelegalnih postupanja u oblasti indirektnih poreza. Vrijednost privremeno oduzete robe u 2012. godini na nivou UINO je iznosila 349.783,72 KM. Stanje oduzete robe na dan 31.12.2012. godine iznosi 9.578.349,03 KM. Vrijednost prodane robe u 2012. godini na nivou UINO iznosi 368.586,41 KM, a vrijednost uništene robe u 2012. godini na nivou UINO iznosi 593.312,24 KM, vrijednost vraćene robe iznosi 27.123,53 KM, vrijednost otkupljene robe iznosi 750,00 KM, vrijednost ustupljene robe iznosi 49.730,36 KM.

### **III ZAKONODAVNE AKTIVNOSTI**

UINO je u okviru Twinning projekta "IPA 2008" uz konsultaciju stručnjaka iz EU angažovanih u tom projektu i učeća predstavnika Ministarstva vanjske trgovine i ekonomskih odnosa BiH, izradila prednacrt novog Carinskog zakona usklađenog sa sada važećim Carinskim zakonom Evropske unije koji je upućen Upravnom odboru i Ministarstvu vanjske trgovine i ekonomskih odnosa u dalju proceduru radi njegovog donošenja. U toku 2012.godine pripreman je prijedlog nove Odluke o provođenju novog Carinskog zakona (završeno oko 80% materije, rad na preostalom dijelu će biti završen u 2013.godini u okviru IPA projekta za 2013.godinu) koja će biti usklađena sa Uredbom o provođenju Carinskog zakona Evropske unije; obavljene pripreme na uvođenju statusa "ovlašćenog pošiljaoca" i "ovlašćenog primaoca", kao pojednostavljenja u proвозnom carinskom postupku, te lokalnog uvoznog carinjenja, kao pojednostavljenja u uvoznim postupcima (pripremljena odgovarajuća uputstva, obavljene obuke za carinske službenike i privrednike i drugo). U okviru normativne djelatnosti urađeni su nacrti slijedećih akata: Pravilnik o registraciji i upisu u Jedinostveni registar obveznika indirektnih poreza („Službeni glasnik BiH“ broj: 51/12), Pravilnik o provođenju Zakona o postupku prinudne naplate indirektnih poreza („Službeni glasnik BiH“ broj 27/12), Instrukcija o razrezu poreza na dodatu vrijednost, akcize i putarine po službenoj dužnosti ("Službeni glasnik BiH", broj 68/12), Odluka o utvrđivanju posebne i minimalne akcize na cigarete za 2013. godinu ("Službeni glasnik BiH", broj 80/12); Uputstvo o izmjeni i dopunama Uputstva o odobravanju držanja carinskog skladišta i postupku carinskog skladištenja, Uputstvo o izmjeni i dopunama Uputstva o pojednostavljenom carinskom postupku na temelju fakture, Uputstvo o privremenom uvozu, Uputstvo o ovlašćenom pošiljaocu i ovlašćenom primaocu i Uputstvo o lokalnom uvoznom carinjenju, te tri dopune Priloga II Uputstva o popunjavanju carinske prijave; prijedlog novog Uputstva o prinudnoj naplati i Instrukcije o izdavanju uvjerenja o obavezama po osnovu indirektnih poreza, ostalih prihoda i taksi.

### **IV ZAKLJUČIVANJE MEĐUNARODNIH UGOVORA**

UINO primjenjuje sve međunarodne sporazume, odnosno, ugovore koje je Bosna i Hercegovina zaključila sa drugim državama. U izvještajnom periodu UINO je u cilju poboljšanja međusobne saradnje i stvaranja uslova za razmjenu podataka potpisala Sporazum o saradnji između UINO BiH i Uprave za javne finansije Republike Francuske i Protokol o elektronskoj razmjeni podataka između Crne Gore i Bosne i Hercegovine.

### **V EVROPSKE INTEGRACIJE**

UINO je u okviru svoga djelokruga rada u toku 2012. godine podnosila tražene izvještaje o napretku BiH u sprovođenju Privremenog Sporazuma o stabilizaciji i pridruživanju, te učestvovala na sastancima Privremenog odbora BiH i Delegacije Evropske komisije u Briselu.

### **VI PLANIRANI I REALIZOVANI PROGRAMSKI ZADACI**

U 2012.godini je planirano prikupljanje prihoda na jedinstvenom račun u ukupnom iznosu od 5.925 miliona KM, a prikupljeno je 5.873 miliona KM što je za 0,88% manje u odnosu na plan, a na nivou izvršenja u prošloj godini. Neto raspoređeni prihodi iznose 4.988 miliona KM, i manji su za 0,72% u odnosu na 2011.godinu, kada su iznosili 4.996 miliona KM, dok su izdvajanja za rezerve u svrhu povrata sredstava obveznicima indirektnih poreza zadržana na prošlogodišnjem nivou.

Ovaj nivo izdvajanja sredstava za povrate rezultat je naplate PDV-a pri uvozu roba u BiH, ali i opšte nelikvidnosti privrede usljed čega se obveznici odlučuju za povrat PDV-a, a ne za poreski kredit, kako bi brže došli do novčanih sredstava, što je znatno više izraženo nego u ranijim godinama, te povećanog izdvajanja sredstava za povrate PDV-a međunarodnim organizacijama i po osnovu sporazuma koje je država BiH potpisala gdje projekti po osnovu međunarodnih ugovora i sporazuma o kreditu treba da budu oslobođeni svih poreza nametnutih od strane ili na teritoriji države članice (npr. povrati Željeznicama FBiH i RS; JPAutoceste FBiH; JP Direkcija Cesta FBiH; Autoputevi RS; Putevi RS i sl).

U 2012. godini, nastavljen je trend pada prihoda od carinskih uvoznih dažbina, što je posljedica primjene Privremenog Sporazuma o stabilizaciji i pridruživanju koji podrazumijeva ukidanje ili smanjenje stope carine pri uvozu roba u BiH, te potpuno ukidanje carinske evidencije. Prikupljeni prihodi po ovom osnovu su za 18,63% manji u odnosu na prethodnu 2011. godinu.

## VII BUDŽETSKA SREDSTVA

Zakonom o Budžetu institucija Bosne i Hercegovine i međunarodnih obaveza Bosne i Hercegovine za 2012.godinu („Službeni glasnik BiH“, broj 42/12) za UINO za 2012. godinu planiran je budžet u iznosu od 99.205.000 KM i to, za bruto plate iznos od 57.508.000 KM, naknade troškova zaposlenih iznos od 8.953.000 KM, materijalne troškove iznos od 12.554.000 KM (od čega za štampanje akciznih markica 3.205.000 KM) i kapitalne izdatke iznos od 20.190.000 KM. Od ukupno planiranih sredstava za kapitalna ulaganja sredstva u iznosu od 19.100.000 KM su sredstva za višegodišnja kapitalna ulaganja, namjenjena za nabavku zemljišta za izgradnju objekta za RC Banja Luka (519.000 KM), izgradnju GP Gradiška (6.000.000 KM) i izgradnju objekta RC Banja Luka (12.581.000 KM). Pored planiranih sredstava, u fisklanu 2012. godinu prenesena su nerealizovana sredstva iz 2011.godine namijenjena za višegodišnja kapitalna ulaganja u iznosu od 14.463.998 KM. Ukupna vrijednost programa višegodišnjih kapitalnih ulaganja, koji trebaju biti realizovani do 2014.godine, je 57.869.100 KM, a planirana su za izgradnju objekata za regionalne centre Mostar, Banja Luka, Sarajevo i Tuzla 50.409.100 KM (zemljište 9.409.100 KM, izgradnja objekata 41.000 KM), za izgradnju GP Gradiška 6.000.000 KM, za rekonstrukciju graničnih prelaza 1.360.000 KM i za pripreme radove za izgradnju GP Bijača i Svilaj 100.000 KM. Također je odlukom Savjeta ministara („Službeni glasnik BiH“, broj 72 /12) odobren dio finansijskih sredstva u iznosu od 9.604.940 KM i usmjeren za finansiranje višegodišnjih kapitalnih projekata i to: granični prelaz Bijača u iznosu od 4.042.535 KM; granični prelaz Svilaj u iznosu od 2.400.000 KM; granični prelaz Gradiška u iznosu od 3.162.405 KM.

U toku 2012.godine završeni su svi građevinski radovi na izgradnji i opremanju regionalnog centra Mostar, te započeti radovi na izgradnji regionalnog centra Tuzla, a izvršena je nabavka zemljišta za izgradnju GP Bijača, obavljani pripremni radovi za izgradnju objekta, odabir izvođača radova je u toku, dok se vode aktivnosti na pribavljanju dokumentacije za izgradnju graničnih prelaza Gradiška, Svilaj, Gorica i Ivanjica.

Savjet ministara Bosne i Hercegovine donijelo je Odluku o korištenju sredstava iz budžetske rezerve Budžeta institucija Bosne i Hercegovine i međunarodnih obaveza Bosne i Hercegovine („Službeni glasnik BiH“ broj 24/12), kojom je UINO odobreno korištenje sredstava iz budžetske rezerve za nabavku opreme za informacijski sistem u ukupnom iznosu od 110.400 KM. Poslove javne nabavke roba i usluga UINO je obavljala u skladu sa Zakonom o javnim nabavkama BiH i u skladu sa odlukama direktora o odobrenju javne nabavke uspješno je okončano 129 postupaka i to: 25 otvorenih postupaka, 45 konkuretskih postupaka, 16 pregovaračkih postupaka i 43 direktna sporazuma. Shodno odlukama o izboru najpovoljnijih ponuđača sačinjeni su ugovori sa dobavljačima odnosno pružiocima usluga, te svi ugovori čija ukupna vrijednost prelazi 10.000,00 KM dostavljeni Pravobranilaštvu BiH radi pribavljanja mišljenja o pravnoj valjanosti istih.

**DIREKTOR**

**Dr. Miro Džakula**